

佚存叢書

叢
563
36



門 1 4

新念圖書

木村桑市君
贈此書以為
其先考紀念
維時明治三
十九年九月

新念圖書



景文宋公集卷第一百二十一
啟狀

上晏太尉

比丐郡麾願營吏事章留公府身屬君軒雖曰見俞
久而被遣罔憚歎暑徑浮扁舟開秋之初署事惟謹
然壽春故壤東楚劇藩務苦亂繩才由短綆益虞速
謗敢議課功加以轉側畏塗違離恩館志緣慮怯感
以事新鑿羽自驚初無虛矢危涕方墮何待鳴琴尙
賴仁人持衡至公禦侮納之德宇審非它腸幸終大
庇之私使無中道之弃淮山千里城闕九畿官箴有

常羈恨無訖臨風伏紙言不能宣

回臺直李屯田

近叨細札尋抵劇藩本緣藏疾之恩遂有出麾之請
迄茲視事殊匪觀能倚惟聖之在寬冀攸箴而脫諉
敢圖眷舊遠賜褒存曾是危心戡餘驚於摧櫓居然
晚歲仰純茂於寒松甫限羈符阻陪紳袂戀悰感緒
參集于衷

提刑轉運制置到任

近祇詔檢已署藩條參省恩榮舉增慙仄伏念某福
基庫下心術愆煩曩以丁辰無勞而冒祿頃因多病

未老而逢衰雖忝皂衣之聯久露左魚之請天衷開
可朝議誰差及此守邦居同藏疾然甫泐外牒猥值
劇州國府遞更本爲都之一會農商雜處率放利於
三游處以拙艱慮于墮斲所賴化條明備使範布聞
振以宏綱攝其漏目漸冀循良之勉罔煩鑄讓之科
企竦於茲名言罕旣

壽州到任謝兩地

東楚地雄左符任劇祇膺束受舉萃震惶伏念某天
與朴愚仕緣熙泰嚮由冗到超備從官嘗用親嫌不
任煩使日費太官之膳坐代上農之耕間不遑居懇

求自試事關三府恩許一麾值劇部之終更果細書
而被選淮肥之奧國府遞更夫井洪繁稻魚豐賤承
邦條之寬大治方俗之樂和雖曰不能漸期學政斯
蓋某官邁茲九德模我彝倫枉善埴以埏和俾薄材
而進齒捫心揆寵念德知歸署吏牘以云初扣車茵
而未日參并感結拙喻端倪

兩制

近祇恩檢已署郡條涖俗匪能循榮集悻伏念某器
非適用材不踰人筋力之強早爲病奪緹油所學遂
與年侵荷漢橐以無裨乞阮麾而自試嚮緣蒙可獲
此庇身曾是劇藩號爲難治銅鹽轉餉歲溢於商緡
薪粲論輸日交於吏案楚僖俗錯符攝務煩內惟泥
遠之姿必震隳官之咎所賴至公當路明詔在寬審
盧罇之異宜俾韋茲而參企漸圖有政庶服攸箴擁
符棨於一方隔紳綬之三揖永言系戀恨以翰飛

回李團練二首

向忝從官弗經煩使請問求見頓首自陳願遂州符
習知吏課面蒙可制副在宰司僅成數月之留乃有
一麾之授逮茲班詔殆復知榮地跨蠙淮之饒鎮兼
犀節之重茗醴參會魚稻豐饒蒙幸于天酬恩曷日

敢謂某官貧忘疏遠彌篤顧存敕記室以占辭付行
郵而流問神麻在握頓紆遠客之懷秋蒂辭條滋結
故叢之戀左官云始修謁未期善嗇泰和式符遐禱
其二
冒榮踰分因病早衰比不自遑願諧外補一麾蒙可
三府見矜獲引壽春之章遽結承明之橐淮山勝秀
杭稱夥饒坐閣省躬實天藏疾然念間關去國晚晚
驚年危睫涔涔屬傷懷於遠道羈飛跼跼方破膽於
虛弓庀職云初趨風未日永言悵戀拙布言詞

陳州楊相公

紆壽春之組次宛邱之郊綠材閣之未行擁原簪之
舊感卽趨府上獲侍台光聞郤縠之談彌臻義府規
方叔之政交樹壯猷乃知右輔之安式有長城之寄
且復眷存羈齒崇比上賓拜嘉授粲以不遑始至如
歸之絕擬萬夫歆豔一介光榮迫此簡書之期遂悵
風波之阻乃情知嚮曷日敢忘矧以虛從橐之聯守
左符之遠孤根易仆墜雨可矜惟祈卓馬之亟還入
冠乾樞而作輔大坏兼造孱蹟攸依叢禱于中訥言
安喻

同綦撥發

景文公集 四
近蒙恩檢俾領藩麾曾不違居已茲署事顧異撥煩
之敏實孤共治之求敢謂私英特詔公誨玩書筠之
溢美均永雋之餘滋方此頒條尙賒接武瞻懷感鏤
一二靡宣

回廬州張學士

樓毫從橐引紱近藩本緣藏疾之仁靡課班春之效
獲茲卧閣居愿空餐方企風華願修鄰好敢謂某官
追書林之舊欣牙壤之交疾走行郵辱垂芳問故情
雅眷甫依東壁之餘美政歡謠益仗南風之競褒存
所至銘款忘勞時籥向衰官箴有限望安介福庸副

遐心

常州知大卿

被十行之眷肅三翼之行少冒秋陽徑浮月液離悰
坐耿淒律遽殘比自半塗常頒雙素慮封人之未定
報記室以無從恭惟視政以來介祥尤盛仁人舊里
太守新藩過家上冢之榮置酒揮金之樂鄉評參慕
仕路罕借諒茲愷悌之孚益助耆明之嚮攸箴異守
接武賒期搨翰遡風乃心惟極

鄧州知郡比部

各領州符同違陞戟我疆差近君御少留復緣庭鯉

之歡頗熟星鳥之采終然共治俄爾遂行限北渚以
銷魂悵南雲之礙目潛商驛候當啟齋鈴惟敏政之
有初諒蕃祺之交勞江關歲晏金玉人遐結戀孔多
陳言茲拙

回泗州知州

嚮緣持橐懇乞爲藩蒙大度之包荒俾孤生之從欲
迄茲卧治正謂藏癘敢冀某官推謙下之私有恩勤
之誨候及疾走墨妙前揮安秋蒞之危懷露寒松之
晚節靜言銘哉何寄等夷一水通流六條異守晤言
未日情素增勞

與轉運兵部

光奉寵詔外總行臺除目四騰公言參允恭惟某官
含章暢美游聖殆幾自結清衷早諧華仕垂紳綬袂
久已賓行觸髀投觚舉皆游刃嚮緣四牡之選式撫
三吳之疆民克用和使還有指未溫魯席遽飭漢輶
掩三淮之右區趣萬倉之西漕轡無停攬遂經登汰
之謀貨有餘貲並調盈虛之算先聲云泊羣望自歸
某早締雅游今叨屬部敢恃私於恩舊方稟誨於化
條欽偃歡愉叢并心極

回廬州張學士

治壤聯疆行書交舍雖嘗修單訊而比辱報辭屈尊
府之稜威厚雅游之褒眷永言隣睦有激世風某官
素槩冲猷懿謀嘉話樹聲藩服流美臺閨求福不回
雖軫潛郎之嘆保身且哲迴臻大雅之宜今比燕居
諒蕃戩穀並帝暉之接晝慶耆範之光朝瓜溜所分
蓬扶云託瞻懷之素崖略匪宣

回張著作

久塵侍橐懇乞州魚得請中宸爲邦善地宿苦筋骸
之疹頓蒙稍廩之豐藏疾于茲銘恩何極敢謂某官
愛忘其鄙褒溢于言因奮藻之患多遂扶衰而引重

欽膺交照輒用中藏或挽或推迴敦於風節將安將
樂有激於頽陵官次坐縻駕言胥阻勉圖良食無重
遐心重念早以氣辭早榮其熾滋潤無異祥麟而
未嘗上集賢相公阻侍台華稍淹時管列邦地冗罔敢通書羈齒心危
未嘗寧舍本和鈞之曲賜及藏疾之寬科貸以所窮
詭其收報離縱跼翻諒無彈射之虞荏苒孤根或動
句萌之望然念朴愚云舊樹立匪它明有自知越思
蓋鮮士無不肖免嫉良難追悟昨非幾成夕惕淮壖
繁洪楚俗輕剽雖勉頒條未知寡悔所賴博陽在位

景文公集
邁陰德以方遐宣父爲師主斯文而未弃踵門雖遠
馳悃知歸

韓資政

嚮緣多病懇乞爲邦制許一麾事皆三府會尸祿之
譏寢暴且得請之文具存因獲左符猥叨劇地蚩氓
輕剽囂牒叢紛摧櫓之心甚危詎能操決轉粟之蹤
未定居畏平鐫邇敵台藩闕修訊舍迄茲少息始用
追慙重念早以孱輶厚蒙比數巖廊脫屣嘗趨丙魏
之風儒館援毫竊記吁俞之論今茲列壤均浹餘波
何圖舊物之微重荷所天之覆永惟瞻賴拙布言詞

驟及歲陰諒安時祉益遵調護上副營求

回昭譚知府司勳

頓首中宸乞麾閑郡上仁兼愛微欲見從留籍雲意
之華俾守州來之劇下車班詔案籍觀風乃知雅官
之游因占僑鄉之貫每欽臺彥輒試里居敢謂某官
顧星署之聯灑月毫之訊褒謙過分道舊兼常窮側
里以敷辭訂疏麻而疑馥永惟銜寫曷寄聲言矧萬
里之名沙本一都之作會已聆異等間竝褒章齋疾
慎持禱懷參劇

回昭譚知府司勳

景文宋公集 卷五
八
偃息大藩妥綬善俗化行已日福集有基謁歡禱於
斯人潤靈河於比壤方茲景行將列感懷敢圖宣布
之閑曲示諄勤之誨多文博我早欣冊府之聯徽福
事君今於簡書之郵佩音有裕敷禱奚殫尙苦炎歊
願持齋疾

回亳州韓資政

嚮奉單函獲通盛府羈懷薄訴訥語無華緣大庇之
有初非報章之宜及敢圖鈞抱尙眷鯁儒謂左竹之
隣禮均胥命且洪河之浸福有併矇屈此雄巖裁爲
訊教曲達久轉驟回陽管之春跼羽重蘇併解虛弓

之法永銜存撫還於埏和

柳轉運

就膺恩檢移領行臺署事有初移文交告徧屬城而
震竦謁公路以欣愉恭惟某官擢穎士林揚芬世烈
早連吏課飪服朝猷峨豸中臺之端危言已屢潛郎
華省之舍見効旣彰淹久外遷便蕃劇選然而長淮
夾右故楚參聯利總南方之強漕爲天下之最尙煩
按節聊駐褰帷方論煩使之勞入對清光之邇某曩
披令采今庇餘光企詠瞻依益倍常等

姑盼回制置林郎中東來至

改領外臺總經南漕東求至遼調度寔繁騰制日以
四馳浹公言而同允側聆行府將出屬藩追郎舍之
締游接朝綏而最舊負簡清道幸識騶呼之華執板
造庭方稟教條之謹敢期謙損先墜滕封推禮意於
降階損使威之異等捧窺窮幅腆駭叢衿顧邇望於
末光冀面敷於感緒自餘欣躍曷寄言聲

回陳州楊相公

仰企台躔密瞻義府緣參承於下執時通列於單函
位隔等威禮無報復某官弗矜元輔厚禮諸生特遵
宜答之常俾作焉依之地富鄰餘燭均蔀屋之餘輝
暄律熙春動枯株之生意永言銜款罔及喻名三輔
奧雄四隣欽眷竊祈順攝用介蕃釐孤冗之情懇勤
茲切

回曾學士

名試複門升華書殿邸音騰示士類欽歡恭惟某官
凝肖天倪叢芳世烈弗從舊食自策俊科允矣丁辰
久而埋照盤桓歲晏飫詠菁莪之風偃蹇郎潛終恥
鏤耶之請嚮由庠胄參講藩房緣碣館之上游趣蘭
臺之賜禮揆辭有蔚第賦尤高亟蒙武帳之嗟遂直
東廊之奧一辭進對叩漆祀之焜煌三被直居盛大

景文公集 卷之八
官之供擬聿爲彰俊方比頌賢遽辱圓封鋪陳亨會
甚文且敏初無加點之煩將樂而安更揖相先之懿
符魚官冗刀筆務嬰欣腆交中文詩拙喻

上兩地

鴻都四部甫以書聞東觀諸儒並從差賜嘗預磨研
之末亦霑褒綽之華內手循榮盈顏集愧切念某晚
參紬績最慙辱虛緣衆目之已成顧殘編而須具猥
由末至僅纂餘功上則咨典領之英下則賴討論之
熟彌年佔畢未知朱紫之分它日請麾遂弃鉛黃之
習身嬰俗狀分隔文林敢圖祕錄之成普第陳篇之
敏眷言孤偃例辱甄揚躡進文階優加勲等爲山而
簣初無就效之勞弗稼而困卒冒因人之賞斯蓋某
官輔裁丕化勵勗彝倫謂一割之前施苟寸長而必
取陰爲獎地傳致恩章出守道遐讓還天遠姑勉修
於扞格冀云補於陶坯感緒叢臻窮言何喻

景文宋公集卷第一百二十一

啟狀

啟狀

回呂學士

茂膺褒檢進拜華曹詔目傳頒公言欣允國家丕承
 列聖大集祕書積為邱山未判朱紫金匱幽藏之舊
 羽陵紛蠹之餘帙第舛誤題名放失嚮頒臺禮申委
 時髦悉探九流彙分四部羣條參列積歲覃思標明
 七略之凡整比百家之猥欽惟俊選備罄誠明紬績
 有勞擁牙籤而窮景討論既具煥芸牒以蒸青迄此
 奏篇果聆第賞改員省署被獎王縉企商賚之允諧

景文公集
方頌賢而交慶遽詒啟幅敷叙榮期三復漓華但仰
斯言之選一函修報莫知吾黨之裁姑戢眷私永敦
風誼乃情歡嚮萬一靡宣

回府判魯端公

尸祿蒙訶請藩自試許兼邇職俾屏劇州荷山藪之
見容專刀筆而爲效厯懷顛俊罔敢通書誠以列郡
中臺居有重輕之別寒灰秋蒂決非氣焰之求何廼
哲人迴敦至獎輟贊籌之餘景絢點翰之彝儀支吾
頽波慰安危蹟迷魂黯黯頓如招些之還末路俛俛
更仰餘波之及載言銜竦拙布端倪

回王大卿

祇屏劇州迴遙治閣拙汗書筠之訊長懷卿月之華
緹籥更時甫田均帳此者敢圖耆哲遐貺緘滕一介
奉將八行周喻仍聞易地將及交符來暮去思容切
二邦之仰道冲神暢固叢百福之宜胥歎異疆奚階
接屢尙希良食式對亨期附遣布懷牽文寡述

回廣德比部

懷章之戍弭檝過州特緣郎省之同得奉賓綦之接
主儀不腆水宿難淹耿此騷離惋爲悃企不圖雅眷
迴篤深情中道剡緘因風流問諦詠椒蘭之馥併紆

蕭葛之忠尚審便時方趨治所益強攝衛垂副詹言
回亳州韓郎中

託藩維枳最密台光恃舊遺簪時修書舍剽聞五袴
之詠參潤九河之餘景式焉依銘銜知所敢謂某官
輟棠廬之暇刻占囊几之圓封申諉嘗僚顧存弊邑
啟滕窮紙內手循衿何三秋之蒂方零煦同蕃藹而
萬物之爐故在待若祥金乃知至仁自競高節姑慙
鈍訥靡稱褒題文組見縻側階胥遠馳神注想搦翰
奚言

回呂贊善

開榮恩檢通守奧藩惟京輔之宣風重吏師之畫諾
選能斯在視政云初顧惟不腆之邦胥慶有鄰之幸
萬馳思緒遠枉芳音荷永好之芳椒動恫悰之悅栢
第銘禮况曷罄言聲

回廬州張學士

亭瓜聯軫廐驛銜羈每欽治等之高兼切隣光之庇
心焉景行日以飛馳敢圖仙室之愔儒參顧邦麾之
病守書筠灑妙齋釀分甘第三復以忘勞實九回而
紆悒春遠茂暢神社紛那善治寢居仰符眷擢

上楊太尉

本兵之重作輔有勞參注安危式憲文武膺一人圖
舊之眷恭二節走朝之儀初無辨嚴不俟安駕舞驂
且佶卓馬載華桓玉焜煌趣展當陽之觀彤闈體貌
載延晝日之咨中外傳聞紳綏瞻慶某嚮鄰燾社今
覲還旂方依萬類之鈞猥奉八行之諭台光破蔀危
惘疑歡恨符竹以坐拘望車茵而欣躡

回廬州慎龍圖

捨舟弊邑馳傳樂郊冒涉初炎保寧玉體顧我邦之
密邇繫師節之糾提特辱詒書聿崇修睦坐縻符邱
阻屬橐韉尙聆追尋之勤望勉加餐之愛瞻懷感服
滅裂匪宣

回穎州鮑學士

改藩近輔便道敝州屬玉體未寧犀舟延進道山之
舊殊阻於銜杯地主之儀靡遑於出宿方茲慙悵遽
枉音滕承便嘉時已總仁政首念鄰睦遠走使人且
喻勿藥之和彌釋采蕭之戀恭惟清穎奇士儒林文
人還定流庸簡畧苛細報成可待覺五月之猶賒均
潤有餘况九里之非遠載惟瞻庇竊用翹忻慎夏持
生乃情深祝

回提刑李都官

景文宋公集 四
光膺朝柬欽按刑章總三淮之列邦擁一封之飛傳
茂涓令日騰署使移屬守瞻風吏股皆拚敢圖提振
之重尙記平曩之游前墜膝封曲敦獎眷繹尋于再
銘愿相參矧以承平之辰詳讞尤重覈爰書之設謬
糾庶獄之叢紛威節所臨善氣交應自顧庭殘之質
冒居藩劇之州政也無良智有不逮始託二天之庇
苟逃三黜之幽傾僚前驅想見願表乃情欣向問不
容言

回知南京俞給事

多病乞麾蒙恩假守危心積悸劇務間嬰逃瞻萬戶
之康都曠致一函之私禮心焉慕嚮日以翹情不謂
某官垂眷下邦遠形芳牘至言抉贖嘉惠嘘枯聿沾
齋釀之甘申遣齋刀之熟重爲褒貶交積肝膈如聞
京室之傳將被節臺之名斯人蒙福諒均愛樹之歌
哲老還朝遂重歆雲之寶王塗云穆士議載孚望安
百順之宜欽副四鄰之待銘銜企願滅裂罔宣

上新轉運張郎中

祇奉臺音仍持漕節涓辰視事卽日騰書肅使範以
先馳藹民言而交慶某官系承世闕材映吏師踐揚
薰省之華更奏輒刀之熟職忠而辨上所自知比膺

朱閣之求將從暢轂之任拒榮固讓還秩見俞遂眷
三洲之南荐刺百城之劇簿書鈎校聿嚴露檄之期
食貨懋遷還佐大農之職茲爲倚任足示褒蕃某嘗
接官聯今叨郡寄其諸多病真爾不材幸繫廉按之
餘容免平鑄之峻歡言企詠參萃于衷

回廬州慎龍圖

欽咨日御肅展藩儀啟大府之雄嚴副南公之歡踴
泰然樂職式是爲邦曾坐席之未溫遽占書而垂喻
報成五月於觀齊魯之能修睦四鄰前服陽秋之懿
疆分有守踵見無從姑服眷私內銘膺府益持齋疾

以副悃翹

回李中允

抱疾蚤衰乞州自效向雖開允乃值劇煩簿最囂敦
簡書填諉分爲俗狀絕睨英塵某官以傑出之才膺
試可之召旦程奏牘暮直道山耿賢路之光華竦仕
途之歆艷發舒感遇騰播牋移已施臺省之英兼顧
藩翰之冗鼓詞華鬱約禮渠勤顧推一飯之先優借
百函之貺重惟退墮久去凝巖三費蒙嗤已忘討論
之舊九言知選姑降紉繹之精欽祝翰飛益據盛業
餘光所泉吾黨焉依感竦欣銜滅裂非叙

上僕射相公

光膺朝制兼總天樞伏惟慶慰竊以三公之尊古無不統五代多故職乃有歸別咨邇臣以本兵柄部分諸將直出於禁中參決奇兵不關於公府水流寢失革弊在權惟時宗工克對明命某官世基厚德天畀大猷熙載之勞則歌於六府三事寵任之美則詩於崧高烝民協濟聖功丕冠皇極然德有垂儆運無常安遼種寒盟羌酋盜塞保障四鄙未使窮追調發千金不無煩費上意尤注時柄難分果屈上公臨判中務擇清明之便日布焜煌之冊書百辟歡聞多布抃

愜方且坐料脆敵陰伐詭謀案邊吏之瑣甚精轉關中之漕相繼漢皇萬里決無不見之明曲逆六奇遂倚先幾之勝奮庸有待訂美無倫某適縮州章方遙謁舍詔文布下私慶叢矜

上樞密相公

光膺制命兼秩台司伏惟慶慰恭以某官奧學幾神孤風拂世便蕃懋寵密勿洪機介多福以不回藹昌言而無擇自西氛締惡列戍雄邊六月出師之勞千金調食之急守皆餘力民罔咎辭暴於外朝實我不績屬并公府之領遂視宰司之崇朱閣傳趨墨麻誕

告疇庸所奮示筌宰之一心付任有歸注安危之兩
意詔文申下士議并歡某夙齒陶埏側聞贊授魚書
有恨鳧藻無從卑情不任

上集賢相公

欽膺茂冊兼領鴻樞伏惟慶慰竊以台宰所司文武
叅憲號無不統烏得有分况二垂宿師三接論道幃
幄制勝樽俎折衝果出吁俞併茲眷委伏惟某官至
誠天挺清節世咨輔政六年均邦一體大猷懿德暴
中外以徧知確懇冲言讓功名而已屢終不得謝倚
而代工復涓外日之良合總中機之密除音四達歡
議交騰方將變伐詭謀增修王度足兵謹備靖西土
之繹騷按節撫和取匈奴之要領民瞻叢仰丕績伫
升某祇佩左符阻陪慶謁埏鎔所泊距躍兼常

陳州到任謝兩地

收蹟遠藩改麾近屏詔蠲入謝道便之官循復寵私
叢并歡愧伏念某性惟疏狷仕偶休嘉嚮日書林得
時從橐緣不材而冒祿名多謗之抵巇大度掩容上
司保恕許寬漳濱之疾遂假淮南之章幽績殿科危
心疾首謂應罷斥番及采甄內移六輔之雄重居四
藩之選府華地奧物衍歲穰癯質早衰顧班春而已

疆寒根載茂寧得地以當然上本曲成實緣僉啟斯
蓋某官敷施陰德章叙庶官俾下無失職之嗟使朝
收善養之實猥容完士胥洎大鈞冀自力以及羣庶
有成而論報析符云恪翹閣猶賒徒爾嚮風恨無飛
肉

回穎州鮑學士

沂漕之藩假塗通謁口講鄰邦之好厚修地主之儀
宴豆屬厭行囊稊載不遑淹久遽愴騷離前及便時
已署州事重以晨雞夜犬近接於餘音富燭貧光再
依於雅貺積爲感賴可旣名言嚴律向深寬修多裕

願加頤實叅介福基

新到任上兩制

比膺中詔移守近藩蠲入謝以致虔許之官而從便
卽因良月祇服郡條循揆上恩猥并歡素伏念某天
鍾愚直仕忝華亨不衷取災無妄成疾移書賜告動
輒旬時請問麾下向蒙開可值淮肥幽殿望止罷歸
敢圖藏疾之憐遽徒陪京之屏疫軒載奮秋蒂重跼
胡謂泥中蔑有衛人之嘆已爲關內居無漢將之慙
此蓋某官推以惡傷刑乃引重先迷弗遠終惠乃長
庶陰德之能銘非貌言之索序趨陪尙阻斬向增勤

回通判韓中允

上文南闕奉對西清擢次甲科顯通閩序代家鄉俊
叅詔於朝猷仕牒思階例關於郡刺詔除行下公議
歡嗟緣感會以敷陳徧儒先而厚謝眷惟孤蹟見謂
曩游嘗枉音滕茂將葬禮會夏秋病力牽屬思遲文
難倩人書乖宜答久悵慙於閣筆俄遷次而易藩首
念峻寮將聆畫諾巾車未稅行李已來載窺累幅之
華益服占辭之敏承侍家府尙須戍期調奉燕安福
祿榮行惟長人之庸懦忝近輔之奧腴兩鬢紛蓬一
心摧櫓日祈夙駕垂諗善經欽企感藏鹵莽非叙

上程左丞

比膺成命入守近藩願表蒙榮悻餘集抃伏念某性
疎乏媚材拙少施早誤朝咨偶塵法從稟生多病移
狀亟言間緣蜚語之興遂獲出麾之便而淮肥郡劇
獄務事叢日困鞅貫坐需諉譴天誘私望詔俾內遷
還江海之遐身訂邱山之大賜然結根苒苒已嘗一
枝之危而引吭喑喑敢有再鳴之伺危心漸釋鈞庇
有基此蓋某官景式彝倫邁種陰德激波迎涸穿隙
逗輝尙令羈蹇之人復窳安安之地敢忘頌祝還奉
耆明伏謁尙遙吮毫奚敘

許州孫龍圖

解符下蔡換節宛邱便道無口卽官云恪祇循思任
併集榮慙伏念某學匪逮優惰而近介向叨法從亟
避親嫌多病自陳言皆有狀不材遭詆上頗見哀顧
淮楚之劇州假圭魚之寵刺甫更年舍方經殿科遽
煩綠詔之追入屏黃圖之邇跼波而奮僵焰重燃天
賞誘衷人得支壞此蓋某官念嘗僚之舊傾先否之
期協導僉疇采收羈僨伏况前瞻邵父具有教條北
面齊侯又依鄰庇叢茲多幸免恤後艱修謁尙賒抒
辭奚狀

回延州通判馬太傅

府奏論才臺恩賜第寵光朝路聲震文林每惟卓越
之才早屈藩宣之佐雄邊轉粟屢濟師期削牘論兵
頻經帝覽讓夷弗處宣力載虔果旌出類之能不待
程文之名擢升俊目對易容司諒嘉會之有開縱翰
飛而叵測敢期謙損遠記衰殘因逢聖以極言及提
衡之餘論申研麗采已慙揚秕之先欽祝華階早服
持荷之從茲爲欣嘆拙布名言

回陳書記

伏承尊慈以長牋盛集爲貺者申誦以還欽畏交集

景文宋公集
恭惟記室員外雅材挺楚秀範標華直取俊科載公
仕牒紆幄中之畫綽有餘香鼓天下之辭弗忘素蘊
鋪蔡積日搜第盈編方比能於大夫使知裁於吾黨
何言無狀獲此偃藩甫揖賓儀遽形文贄研尋縟采
震眩昏眸蹙額于前雖願嘗於昌歎投人以暗得無
辱於夜光匪曰知音要之爲寶輒少留於私橐將徧
詫於文林銘棟所叢端倪拙喻果哉出巖之論不亦
杭州通判劉都官
阻奉雅游漫踰華歲符魚有守風馬非鄰私書闕修
悃懷茲極敢圖茂眷迴篤久要粲一紙之丁寧見千
里之眉目神麻非匹右袂永藏清覲未辰至和增攝

回亳州韓資政

六枳聯藩三能在望頃嘗奏記俄沐報章冒櫛蒸膏
燃灰發燎鬱爲叢感方冀刷緘不謂某官坐閣之餘
隱几流問敷陳穀幅疾走齋兵下致雌黃之堂垂賁
支離之翰前埃濯鱗可質於褒言弃埴頑金終依於
巨冶敢論比壤自是所天願遵頤食之宜叅副維巖
之禱况于羈冗尤切翹依

上宣徽王太尉

肅膺成命入鎮近藩伏惟慶慰恭以某官忠貫穹淵

勛高河岱夙持齋鉞進筦天樞愴動四夷勤勞三事
盈虛更踐磷淄靡移向緣載斗之區中尋撓酒之約
暫煩卧鎮遽折陰謀二候垂橐一封講好函騰中懇
求偃善封朝家重違制可遄報欽惟凍宛密倚畿寰
幕府盛開式重條侯之貴雅謠參發允旌南仲之功
□□元戎方還王室某幸叨守屏將獲交章榮慶所
深筆舌無喻

景文宋公集卷第一百二十二

景文宋公集卷第一百二十三

啟狀

回壽州張侍中

嚮緣易地得遂趨風略接台華遽勤行役守藩云始
進記未□敢謂某官敦好士之風厚交符之契占詞
記室流問行人屈衛霍之雄稜講楚陳之盟好外依
獎眷中激衰孱官有職思書非言盡永惟銜佩姑誌
埏鎔

上兩地謝赴闕

彌年假守有詔代還許訖交章趣令上道榮生望表

景文公集 十一
抃激情端伏念某向以塵枵忝班禁近病多告數量
極謗興恩俾典州責深共治雖勉迂儒之學曷揚循
吏之風幽績屢聞殿科輒寢內遷右輔問默煩言適
以元帥勤歸邇藩須屏因蒙召節再服君軒得上銅
魚之符入趨金馬之籍肉我枯齒植其危根大鈞所
陶沒齒奚報然時支離云舊奔走相仍兩目眩昏半
頭蒼白收從江海遂安北闕之心行及桑榆敢重東
隅之悔翼趨有日舌訥難宣

上蔡州夏太尉

忝守近藩幸鄰大府飛郵通問踦屨蒙收憫方墜之
禽振其毛羽噓已枯之木奮乃條枚身匪無知恩歸
有所恭惟某官天挺懿德邦咨大猷一其精心又我
丕載竹筠松鬣迴貫於霜秋蠅點夜脂不口口玉色
故能從容自保間隙莫乘斯文賴安吾君倚相雖作
屏侯甸而乃情王家欽聆朝制之頒顯服乾台之冠
竊商公議莫首茂勲願御太和垂副輿望某方須交
印尙阻造門翹僣所天情黯無喻

梓州杜學士

自領州魚阻參朝襪緹灰凋歲風馬殊疆徒延脰於
緒音闕修儀於尺訊敢圖英哲申記故常謂五日之

趨每陪於指帶且一麾之出借幸於班春但良晤之
莫諧實遙懷之均悵况聞報政將逮交符於還左城
之參益重西清之眷載循感企萬不一宣

上昭文呂相公

專總萬樞靡吝沖用間緣疾作久以告居高手係馳
清衷存喻別詔薰場之啟參迓繁禧切勅黃門之嚴
不通讓奏邇臣旅候大事走咨洪惟本朝可謂殊禮
相公方且懇辭柄任將就養頤遁其成功居我不社
然斯人善祝亶無愧辭內天棄和康不須日况宣尼
吾禱之久博陽陰德之遐所苦至微向憚不已望速
臻於勝愈姑勉奉於謨謀早視政機垂快羣願永冠
三槐之路均延二老之齡某外滯守麾阻參冢宰載
惟至悃拙布多文

上京東運使陳司勳

假守兩藩初不聞問儻風千里未克治書姑欽握節
之勞方倚轉芻之餉懦貪傲畏財賦滋豐居然相門
挺有賢嗣敢圖謙下流眷孱羈屈四牡之雄嚴寓一
函之勒綴服也無斲心焉願銘況聆朝譽之騰方於
皇僚之峻茲爲企禱固倍等倫

上壽州張侍郎

恪守魚符悵懷鵬閣嘗款中軍之義府得瞻天老之
台華坐翹三洲邈成千里茲者敢謂某官緣漢章之
代損天鉉之崇敕記室以授辭付行郵而垂問大丞
相之重遂屈移書一馮掖之卑敢煩鈞禮餘波沛潤
幽谷蒙暄諒緣拜賜之階前啟知歸之地感慙交集
拙訥難宣

回李太傅惠御製挽詞石刻

宸章悼往恩煥冥塗孝嗣欽光志垂終古輒忍哀而
灑翰方圖刻以傳家上昭子道之全次記天淵之盛
足揚茂烈參紀無窮某忝預雅游猥闕珍刻悲叢昔
感義服來徽但期屋壁之藏均仰乾文之照自餘伸
罄更俟披承

上永興太尉

稱媿元戎肅開盛府便時有素樹政載和副列辟之
具瞻本明神之攸勞符階相口允繫夾輔之勤臺節
特隆兼寄帡蒙之賴諒孚順嘏上叶簡心恨沿牒之
前拘阻飾口而趨侍永惟蘄嚮莫喻名言

上知府諫議

官伏攸箴地賒惟屏每懷耆德之懿闕治私書之勤
內耿勞悰漫踰芳歲恭惟某官遠猷時並清節世咨

景文宋公集 四
輟自疑巖總臨都奧茂經民紀偃息所以藩君勤喻
上恩宣布由乎樂職人和歸美天祿固膺矧乃史企
愔言朝思雋老第恐進絳之駛名還規地之華願保
寤興適符瞻嚮

回夏太尉

築壇疏寵任屬舊臣跪轂啟行趣開盛府耿存心於
南闕副延首於西人審卽令時已觀戎政太和馮厚
繁祉順膺太尉業映九功謀經三術亟躋台路再筦
皇樞又衆志以交修滿公言而無間比從藩棨回總
計籌慎致民財之豐彌簡此心之眷果緣謀帥遂倚
圖功分虎殿邦剪鷄分壤出于左右由漢后之知人
敦我詩書職晉卿之制勝諒資成算益憺稜威共欽
歌杖之辰前啟坐槐之拜敢圖撫志遠錫芳音列感
緒以鋪禁味吉辭之實至永期銘鏤姑志恩憐瞻頌
所叢交陳罕狀

同前

輟務天臺懋恩將闡裂京榮之近壤來建中軍總關
隴之上游別開盛府恭聆善旦參布寬條甫光注賴
之殊允契休嘉之集蠹茲裔種孤我朝恩雖上德包
荒議貸先零之罪而善經防患聊咨細柳之屯仁卽

景文宋公集 五
敘於戎疆永折衝於廟算嘉庸所底休運來同某早
荷品題今遙趨伏敢期台造先枉教音均察父之慈
憐重孤生之感槩庶緣舊物終託洪鈞銜篆之叢名
言罔既

上呂相公

修覲王朝改麾侯服聳槐庭之舊德人慶具瞻殿星
昂之全封地均夾輔遽飭元戎之御間開尊府之儀
振導天聲威懷斗俗逮此春祺之洽允同邦體之休
然以四嶽炳靈世叢茂伐三階疑象神奇昌符雖道
韻之益冲顧化鈞之焉往諒茲息偃行復彌綸某早

服辭垣久塵賓閣玷齒牙之餘論訂松栢之晚凋尙
緣禁直之勤或草剛辰之贊茲焉素祝無喻丹愚

上夏太尉

肅持齋鉞出屏奧區總師節於中軍暢天聲於西畧
諷辰前定樹政允和惟中外之瞻懷宜神明之禋勞
隱居一面界上國之金湯下若九天失殊鄰之七箸
重威臨撫丕績於光動御粹冲上膺欽倚某庇司計
幕阻蹟賓綦姑含螭陛之毫行記星巖之命此焉傾
嚮叵既敷陳

上呂相公

稱媿元戎肅開大府便時樹政爲國偃藩竦列辟之
具瞻宜百祥之順報將躔台采兼臨南北之街周化
召風更並東西之陝願符丕眷保御至和益光蒙福
之餘還又熙庸之載某蹟縻官守心寄門闌濯濯戎
韃莫陪於左屬濛濛零雨企詠於東歸祈嚮所叢文
陳非旣

上西洛宋資政

茂將中詔出總留符趣周道以少勤冒陬春之餘凜
便時府上宣美化條綿深息以內充堪繁祺而昭介
矧茲奧洛實號離都蘭錡誰何素謹干門之衛杏陵
充奉類多三選之繁居守所咨倚成尤重願答維巖
之望益孚瞻闕之祥某早服恩徽坐搖心極限省蘭
之常局隔藩枳之餘陰慙懇叢并索言安止

上呂相公

易地偃藩秉圭肆覲冠華儀於星落慰羣望於槐朝
錫馬晝蕃分麾夕引便剛辰而襲吉卽大府以宣風
冲氣內馮繁釐順嚮恭惟某官謀舍國蔡績藹天旂
翊媿后之萬機叶商衡之一德保茲撫槩遁我成功
終迫咨俞再倡屏翰胡街漢瑣竝繫鎮御之方鉉路
師壇叅照寵光之盛方均瞻賴忽枉舊封因感會之

景文宋公集
餘言借褒存之曲禮敢緣至意益獎愚衷願追零雨
之歌還復洪鈞之賜藏心有素搦翰匪宣

益州轉運明學士

使輶西撫載耿離騷書舍右傳首煩辭誨布諄勤於
言味寫藁馥於清條隱几孰窺題衿滋感惟岷都之
地沃本漢斧之任雄流馬轉財舉調盈虛之節明緡
下諭允追宣布之風增御太和上符至眷盍簪未日
搦翰奚云

回轉運

邊違明晤適歇歲芳顧支離抱疚之節加濫訥措辭
之短迨馮參訊尤結惰勞恭惟黃圖夾右之區赤藩
刺舉之重澄清所寄自均八使之雄調度攸資足居
千金之仰仰荷最日方冠吏師欽於追鋒之還進侍
承明之祕秋煒肅布毛澤順成善膺福祿之蕃式慰
牢騷之素

上呂相公

待罪禁扁攝官選部才隨用乏日與勤俱勉瞻坐府
之尊頗嘗奏記之禮永惟僚戀徒戢精微恭以某官
道格明良感孚樞極暢經謀於宰路申著蕭規挹高
讓於邦風再光周屏蹈中和而弗踰臆戢穀以攸宜

惟是寰封均於潤福介圭來觀固無信次之勞崑石
具瞻且有僉同之舊但虞息偃難廢延登冬律戒寒
歲芳凋節益儲茂嘏入對昌期上刺末從臨風增企

錢大監

懇露沖懷上還所事循道家之知止協禮典之引年
名聳士林眷回宸極聿奉綸函之命超升蓬觀之華
仍遂燕居永光達槩矧斯風之不競歷邇日以彌偷
囿物焚和醜顏冒寵功非叔子靡徇角巾之期才謝
伏波彊取據鞍之賞甘市朝之末利忘進退之大方
果藉耆明追還古烈甫緣謝病確爾布辭緬慕冶城
之游近襲鑑湖之躅固以流占藥喜坐復於太和見
勞神聰益增於景算茲爲雅範足應昌辰某早荷殊
私欽聞高舉方期拜伏首枉音題感鏤所叢精微曷
狀

上魏府任諫議

通籍中臺晞風北道歲無我與坐慨於適陰庇有君
餘弗忘於歸賴嚮者敢謂某官茂將禮意流錫書音
因子舍之與行訪郎闈而墜貺褒評引重迴同月旦
之更幽處增輝頓若陽秋之暴願銘膺府庸誌恩憐
欽聞趨節之還前啟在銘之賜望符眷屬慎嗇粹和

回外任賀冬

天晷迎長歲儀參亞候魯氛於十耀冠周曆於三微
恭惟某官業擅儒先喻高師采露誠明而撫仕樹風
績以宣方陽序昭臨靈釐臻嚮寧圖謙槩先示慶辭
敢緣垂祝之褒還奉俾臧之壽永言欣惠叢鏤丹衷

回通判學士

英游云闊年所薦華屬間歲以病多苦臨文而思拙
闕於辭遠寢以慢成終仰景山之高均嘆甫田之遠
茲者敢謂某官寄通有素道舊實勤因鈐史之奏都
隱几囊而占問愛褒參極孰復忘劬蹙羈久之寢識
蒲俎之味冒霜近止決無松鬣之凋冀佩玉音昭銘
蓬曲右文在且顛俊爲先永念譽髦首膺皇器願騶
然於生養副須矣於朋簪欽祝所并選言非述

回知郡主客

嚮膺詔檢卽領郡麾承便道以揚舫尋署文而坐府
聞風守邸紆想搖旌俗慮所叢郵音未致敢謂曲敦
謙槩追記嘗僚特因計史之西先損書牋之間辭情
竝辱固千里而不違毫墨相鮮實一臺而均妙惕焉
珍詠終以銘藏矧惟碩艾之姿久累淹徊之嘆願綏
介福行丐愷言德宇所瞻心微曷序

代詠回邠州夏館使

逃違侯表况及歲陰惟使榮之雄邊隔私書之馳舍
永言瞻僚第結冲憂敢謂某官闕務中軍留情赤牘
因談賓之還調顧儒館以通音占吏敷辭彌驗雅歌
之適降階約禮居欽義府之敦申復至情昭銘中膈
物華腓晏戎索靖和善介蕃祺茂宣來譽

代人謝改京官

祗膺褒擢伏積震遑竊念某系出單平才惟常短自
褫巾於嘉會繼泐牒於大邦家難中嬰氣機久耗嚮
屬羣舒之境慎圖權茗之豐偶玷舉知往專左職月

凡歲要顧商算之有條州攝臺符幸地求之如律攸
司言狀保牘中程不圖啟擬之辰超預制除之目况
書簽佐局省戶隸名雖改宿官之常要是開榮之序
靜言優獎仰本先容此蓋某官助泚養材因雲霈潤
念倻倻之昧久困迷津俾種種之衰漸希來譽得肩
髦又進冒寵私敢忘士節之甘庸累汝評之愛

回曹琮太尉

促勤封傳還控邊州尋承麾蓋之華坐制金湯之重
營平先計姑養漢尉方叔壯猷寢光周詠日剽公朝
之論載欽賢帥之風中間敢謂英私遠貽誨翰露教

景文宋公集 卷五 十一
條而有斐挹謙柄以彌沖徒爾心藏闕然時答仰惟
淵度貸此苛文秉羽在辰灌烽徹警益符神勞增嚮
福緩瞻詠所叢敷題罔愬

回陳泊殿院謝官

被獎恩書聯榮憲案珥華簪於朝右式聳周行操白
簡於殿中尤資汲直矧辱嘗僚之舊素欽展體之賢
會此甄襄方深抃愜敢圖謙尚特枉文陳露明好於
私悰屈臺威於公範英辭有未勞府知銘餘俟踵門
更期敷衽

上徐州扈諫議

伏蒲展覲剖竹求藩輟君雷之敷言緣使符之樂職
下車有謚已日其孚徧和氣於東人浹餘波於上國
坐堂乘暇憑几止辭眷宮雉之宿官附客魚而流問
仰銜謙槩申佩言章願符愷悌之謠增舍神明之祉
吏師是式愔簡於光趨伏未期文陳叵逮

賀冬

寶典迎長歡儀亞歲本軒箎而鳳應參漢曆以珠聯
某官六德映辰九言貫道紀丕庸於王府憲嘉靖於
友邦望與日升福借時億願契朋陽之復早瞻裨袞
之歸訓有宿官禮賒薦慶欣祈所嚮一二罔宣

回外任郎官

幸聯郎舍晚盍朋簪間緣客鯉之來厚枉書筠之問
章兼辭篤感與愧并欽惟陵邑之封慎擇星曹之俊
歲成於報宸獎茲蕃願遵明晦之宜交集康寧之祉
竝游未日結想何言

景文宋公集卷第一百二十三

景文宋公集卷第一百二十四

啟狀

上青州相公

材任四隣勳包九序由先朝之威會佐下武之纘承
和江鼎以既平坐左槐而實相胡公練達貫萬事於
中庸陳平燮和成四夷之鎮撫曩者長君信黜真廟
顧成巨慝竊權羣邪間釁締惡氛而貫日煽偽象於
滔天某官接鳥翼以鸞翔截河流而濟貫發於至榮
則金石為開厭其未萌則七箸自失或投畀豺虎或
暴以秋陽援白日而再中遏尾閭之將泄暨湯而有

景文宋公集 一
一德式契尹躬爲堯而去四凶遂光虞典永言忠壯
蓋絕等夷問復內樞之臣蜚語爲變託此城社構爲
鯨鯢駭機潛張異議放肆某官躡足定計膝席建言
獷封豕之怒牙羸狼羊之藩角脅從罔治反側之子
自安開陳其端震電之刑爲措袁安之府不忍錮人
邴吉之庭未嘗按吏坐清亂象迎召太和至於擇典
以震國容納誨以輔君德二精陽燎再待上帝之郊
三次造庭兩較羣髦之譽百穀長懋三光仰澄邊境
無忿驚之師海隅躋仁壽之域故以垂光南簡傳信
後昆若乃正色端朝詳言處事不吐不茹梃羣動於
始騷有猷有爲鍵多門之敗政作帝元輔爲天孝侯
並昭著於本朝匪妄宣於曲筆一昨上穹見戒靖館
延災木託寓於何言啟側身之至德某官繫國休戚
爲時慘舒亟引咎以自陳願避賢而塞責遜誠確守
惟辟重違聊罷機衡用均勞逸進退之際下蔑間言
榮悴所交上無二色全齊巨鎮維梓先疇有多口以
名鄉實高陽之署里揮金而娛逸老醜酒以見故人
當代之榮自我奚讓竊詳前代非無鉅公蓋齷齪者
遺誚於具員庸庸者本圖於邀福徒跣謝罪良昧於
知幾惶懼可憐亦顛於臨擊徐防坐災而切免石慶

景文宋公集 卷之五 二
視事於安歸功名難全希曠如此寧若某官奮格天
之業避其成功罄靖國之謀訖無纖隙履重剛而不
跲訂大蔡而前知冠乎三階順經躔於軒老不答十
策全大體於漢庭終始弗渝古今絕擬伏望益儲道
妙進荷春祺遁几几之碩膚暢冥冥於何慕安石同
樂既踐治城之言赤松與游遂抗留侯之志俾懦夫
之有立何祇悔之可虞某早託鈞陶阻陪車乘瑞圭
出國曾賦崧高之八章參桂非珍猶是藥籠之一物
佩台憐而有素書感臆以無慙

回外任賀正

歲舍履端春塗肇始湛椒花而爲壽振金鐸以宣和
恭惟某官雅量淵澄清機穎發居洽朝綏之譽出揚
使隰之華適啟康年載蕃休祉謙棕有裕慶問見存
愧佩所條兼陳奚悉

回余舍人謝知制誥

進直禁垣已申面賀伏以紫薇舍人器涵疏達學貫
本元由發策以逢辰久牽思而從官參讎芸帙入服
書林恥孟晉以干榮每危言而蹈道自結明主數上
公車之章失意貴臣遂被長沙之謫間關歲月轉側
風波蒙沴雪以青青貫澤河而混混神明與正聰目

景文宋公集 三
咨賢果副朝，俞顯躋諫列。玉嘗雕而方，貴朱被研而
愈。丹雙筆升階，列話言於左史。一封出塞，得要領於
東胡。揭節未還，除書已降。甫通辭於絺，辰卽嚴儼於
綸。闡吾黨相欣，斯文有屬。方且繹太常之奧，訴渾灝
之源。言代雷風，竦四方之鼓舞。文含雲漢，助萬物之
光明。展案自茲，圖溟叵測。猥紆謙德，肯况長牋。因感
激於亨期，引切憇之餘論。虛名冒忝，向包糠粃之羞。
榮路趨陪，今賴芝蘭之益。舞嗟銜戢，訥鈍匪宣。

回京西呂轉運

榮膺中詔，出總外臺。伏惟歡慰，恭以漢有刺部之權，
唐專輸漕之職。合爲使任，必簡朝言。惟儒苑之俊髦，
擁郎曹之清望。歷茲繁寄，正謂觀能。况關輔上腴，堤
封甚遠。賦租錯出，轉積無留。於緣朱軌之還行，被青
藩之召方。將剡牘遽荷，流音感頌。交深底裏，奚究

柳侍讀

暫違交戟，出擁守符。雖卧閤以臻和，每側身而懷想。
恭惟淮壩奧府，楚望劇藩。多寄重於邇臣，賴宣風於
樂職。化漸襦袴，已欽來暮之歌。潤浹河流，更飫餅幪
之福。於伊朝夕，入總機衡。瞻頌所兼，一二焉究。

回并州明龍圖謝改諫議

景文宋公集 四
延褒制口陞序諫垣伏惟慶慰竊以諮訪甚勤獻替
攸重冠七臣而分任均三接以造言惟爵之隆值賢
而受恭以某官猷爲交濟名實兼華久縻巨屏之麾
仍重東臺之秩甫修函牘仰慶齋鈴辱行舍之前通
紆記室而流問宣風屬部且符竹馬之期召對西清
卽參槐府之論衿膺可復感頌奚殫

上陳州張相公攀違

得請宸旒出藩京輔卽乾台之大任領齋鉞之中權
以恩均勞便日趨治乘安流而順沂昌炎序之方隆
善御粹冲式符瞻賴某阻陪行帑罔訴離襟愧戀所
并文陳無喻

回成德軍魯待制謝上

違交戟之嚴擁左符之寄便時署政已日乃孚眷師
壁之所屯控邊關之尤極暫煩卧治欽覲報成何卽
席以未安已占辭而流問圖書對峙比踈接武之游
膠漆投堅姑荷同心之契欣慙駢集款鏤奚忘

回潞州郭觀察謝上

光膺宸綽移領州符飭追尋以無留敞黃堂而坐治
通書未暇炙簡載勤承布詔條之寬已孚風化之美
然魏邦公子諒存闕以爲心而漢氏侯封於入朝而

拱衛勉調冲用綏集太和引祝于茲遠談奚極

回河東柳按察

使輶東撫載耿騷離書舍右傳首煩辭誨布諄勤於
言味寫藜馥於情條隱几孰窺題襟增感惟晉邦之
地沃本漢斧之任雄銜舳轉財舉調盈虛之節明緡
下諭允追宣布之風益御太和上符丕眷盍簪未日
擲管奚云

上外任兩府賀正

曆謹三朝邦熙百禮舜職舉授時之典周官和佐治
之常伏惟某官碩望冠時忠規映國暫均勞於樞鼎
方夾輔於藩維願乘歲祚之蕃還變階符之重某早
銜恩紀甫限官箴睇尊府以馳誠阻歎觴之介壽永
言瞻頌拙喻端倪

代回夏相公

被命漢廷于宣并部抗戎旂而信邁按邊瑣以申嚴
坐府有初占書猥及方修謝懇遽覲殊恩台符帥節
之華共當注意留鑰太阿之重彌賴同寅誕告以還
僉言惟允矧茲舊物夙在洪鈞已欽夾輔之隆冀趣
還朝之寵尙期暮節獲覩元功傾祝于斯一二非述

回彭王二舍人謝知制誥

景文公集 卷四
向承茂擢已展慶儀恭以某官陶粹天涯含章聖域
親逢千載之運寢露七年之材孰復辰猷雍容公路
黃鍾大呂常默蘊於鏗純拱璧天球不外矜於追琢
居然難進况也大成果膺給筆之求庸賁擢華之敏
言泉注射墨稿紛綸終篇晨達於上方成命暮頒於
右省士林嗟舞都紙貴騰粲身魚而飭金錫笥袍而
染蕞方且奉循豹式敷繹綈封九變知言賁羣條而
玉振十行成禮演定命以風行甫頌得賢遽煩黜翰
因亨期之鋪述謂素謁之推先然而平日撫塵幸同
歡於方朔乃今視草固所望於相如

代回彭舍人

近審光奉恩章進升禁職伏惟歡慶竊以乾文彪列
上憲於掖垣王命慎思下嚴於簡冊卓爲盛選要值
難才恭惟某官日暮亨期珪璋令望書林紬簡早欽
宿業之勤仕路牽絲久鬱潛郎之望向還使節入侍
螭坳適茲籲俊之辰宜被非常之寵遂諧僉美分掌
命書方且丹青聖文鼓舞王化視淮南之詔固本於
純深奮東皇之辭一歸乎灝噩自茲器任叵測冥升
詎意衰殘尙繫存記推之謙柄况以長牋姑謹銘藏
罔殫文述

景文公集 卷之八
代回王舍人

向審恩章進陞辭省慶儀未展私排已深恭以某官
早智夙成清徽獨映本邁辰而發策久効智以牽絲
敦詩無邪蹈道難進縹囊細簡恣閱書林之嚴夷玉
河圖自是皇居之寶果膺試札入服禁垣易染葵之
珍袍署判花之曩式方且帝猷以之粉澤贊命以之
純深雲漢天章金相玉振士焉爲盛增四戶之凝嚴
文果在茲進三王之灑噩擢材之美悅栢所均嚴繫
明哲之懷尙顧衰殘之質飛文見貺約禮彌勤願謹
銘藏永隆風契

景文公集 卷之八
上知郡比部

祇守王官貿更天吏寓辭雙鯉罕逢遠客之歸晞采
哀烏邈在太微之後締曲蓬於心極庇嘉樹之培封
頃以慈仁誤恩經筵承乏無勞報國有祿浮人收可
棄之臝胫玷惟塗之丹雘夙宵內忖志限已踰敢謂
某官挺操徂口口褒魯袞占英辭而濬發敕行李以
奉將祇誦選言載求深旨喜不及寢表善教於師門
恩與其口成育才於詩教恨遙趨伏祈保寤興北首
孔懷中乾罔敘

景文公集 卷之八
上寇給事復官

景文宋公集 八
茂膺明制式敘華資伏惟慶慰恭以某官識際幾神
謀經信采光華茲邁力命允偕宣三德以有家暢四
支而含美頃自忤圖懷決俾父塾昏屹巨防以新謀
舉長筴而底績清衷攸簡慶賚遂行屬神燎之冠雲
包中區而洒澤曰咨上綴式是近藩首申綠詔之温
詞復引黃闈之舊物不失正於進退愈見履基樂相
說於君臣更符邦口方均悅栢傾於追鋒

文獻代到任謝兩地

龍筦祕曹魯瞻善部併塵東寄增腆情顏竊念某一
介拘儒三朝誤寵盡忠無補所食皆浮緣舊齒以見

收玷講筵之叅勸春秋暮止內識於遽非筋力忝然
頻煩於漢告間露乞身之奏冀諧歸老之求當宥示
慈秉鈞爲地廢其始願寵以崇資進喉舌之官聯領
股肱之使寄資金充褚因許其過家賜車在庭更慙
於稽古此蓋某官全有邦之大體假前席之餘言務
穆彝倫罔捐故老伏況左符所治先壤連疇單車就
行中宿而至家爲儒里無煩崔篆之班春日稟餐錢
足佐廉頗之強飯因茲善養漸及退歸罔謹中外之
言實賴埏陶之賜過茲而往未識所圖

回趙舍人

景文宋公集
告勞星掖將命州麾當出祖於河梁阻敘違於刺字
緬惟其治已協宣和某官才裕氣純志恬履潔靡實
懷於出處方樂職於東南引郡紱以爲榮雖從已欲
坐棠陰而決訟行及政成甫此歆炎諒加頤護禱虔
瞻切無喻悃誠

回外任賀諫議

備位經筵沾恩宸綍猥由末至例沐敘陞促大比之
常規玷邇言之清列寵方躡等得無糠粃之羞祿已
浮人更重鶡鴒之誚方慙冒竊遽枉緘滕味褒飾之
過情第持循而式倣永惟銜戢罔旣名言

景文宋公集卷第一百二十四

景文宋公集卷第一百二十五

啟狀

謝大名王相公

光膺帝制兼秩台司聯茂公槐叶維邦枳斯民之望
允慰於巖巖上帝之心方咨於采采亟聆還賞務欲
敦風然而襲卜其依明緝素定熊羆崇讓雖形吁異
之言箕尾垂精終應營求之賚拜嘉在旦有位相歡
何辱撫冲曲貽誨翰荷坯陶而最舊篆肝膈以無忘

鎮府謝諸官相賀啟

近自閑州俾臨劇部既護諸將并提六州載循懦怯

之人不稱藩宣之寄軍中頭白固已自慙馬上髀消
若何爲報敢期英俊馳錫題函以鼇署之深沉營更
法從雖鴈門之踦遠猶借褒言嘉惠載隆勞膺永戢
官常有次盍簪未期時億美祥日躋榮寵

狀元學士

屯蹇所鍾支離無幾比緣家難自屏氓屢託于密之
藏榮塗兩絕罹薦瘥之困生意日銷兀罔辨於昭聾
嗒如忘於故我城闕之事都罔聞知竿牘所交裁施
媮黨寧無英茂之眷固有斬嚮之心奈何區霧殘骸
零丁末路伏苦忼景霜露交摧擗管臨文馬烏迭舛

雖勉塵於記室或致誤於空函貽誚士倫曷磨言玷
此者恭承狀元大著學士肅膺名節升值書林敷試
藻以題篇掩諸公而出右內舒感會進叶賡颺率隆
禮之曩規述尙賢之盛遇本施貴近罔及疋癢何言
泛梗之微辱墜乃金之問園封引發五內震慙伏况
斷斷讒材藥藥危息卿曹舊屬隔品朝闈學序癯官
絕窺仙室仍茲削跡乃是廢人已隔賀悰重紆訊幅
諒以竹林賢巷併牒而開榮遂俾星壁辰髦降階而
伸禮仰銜愛惜徒誓珍藏必若獲終升穀之期再與
芬蘭之益緩詆訶於贖髮結庇賴於叢雲納之下陳

景文宋公集 二
斯爲素蘊幽憂甫爾崖略匪宣

代外任賀入兩地

比塵台輔尋布威悰雖趨附於星郵或未通於鈐史
敢圖恩映前墜書辭助恢則哲之猷爲禦多言之侮
波餘所逮夕惕差安屬私抱之已敷且費詞之難再
姑藏褒激庸謝獎成

回賀改待制

近沐宸恩入充禁職寵緣時集愧與榮參猥瞻雲構
之崇驟識天光之邇重循至幸甫畏曠僚敢期益著
之游前致勤斯之問推先仕路孚協朝言第啣悅栢
之情茲締曲蓬之感自餘欽誦罔旣敷宣

呂相公攀違

肅趨命節還冠乾台戒執馭以駛馳副刻書之進拜
炎暉甫盛行道少勤惟帝賚之夙符擁民瞻之介祉
芳槐樹左竝存蕭相之規零雨東來胥慰周人之望
竝修覲贊仰副宸俞某祗守官箴阻伸廷禮永言欣
愧參集悃悰

授待制謝兩府

被獎中宸通班祕禁褒甄匪序榮灼參懷竊念某祐
薄早孤學勤晚就雖謀干祿止辨易農寢禔裕於朝

閨間磨鉢於史室自忘其鄙日慎乃修升直殿螭之
坳入贊牢盆之計車飈鼓鸚能無失性之憂燕麥兔
葵正恨取名之過漸圖寡悔少贖空餐敢冀顛印曲
垂眷逮因避親於具爾不緣進於道司真寘邇聯專
由睿擢在人畏假卽受慙虛矧茲華閣之嚴號爲規
地之密字文成葉羅絢於珍圖奎勢如鈞士儀於寶
宿詎應完士入備王僚跡夫誤寵之來抑有爲容之
素此蓋某官助陵敷育因埴埏和謂鳧鶴之異宜俾
罇廬之參使遂容昭世蔑嘆滯才方且疏濶而心靖
恭爾位傲攸箴之所伏戒求服之斯回庶息煩言歸
酬至鑿祓巾構而尙遠寓筆舌以奚宣

回賀改待制

近蒙褒命進服禁聯祇荷寵榮交深腆懼竊念某志
雖典學資適逢辰拱著治朝竄名祕館專記言於右
史仍參摧於縣官淺智有涯畏汲深而乏綆長年多
病賴藏疾以如山詎意清衷垂收冗質因憐孤拙之
效特升華近之班拂豹省之清塵旋參法從企鳳阿
之層構寢造仙游內揆憇庸慮興缺望敢謂某官樂
聞朝渙助穆邦猷紛鋪題誘之辭外禦浮囂之議餘
光所逮危惘差安永惟謙柄之勞但戢心蓬之感

外任兩地賀正

王朔履新國章和布湛椒霞而集慶踞罇虎以陳儀
恭惟某官功映臣鄰德含天粹入告有猷之盛問宣
爲憲之宜茂氣至臻允繫於夾輔明神攸勞彌介於
善祥昭叶壽祺還膺亮采某式勤官守阻望台華欣
祝內并題名罔喻
近憑小紙冒列思悰計行舍以未遙枉貽書之垂問
永惟恩紀伏誦誨言噢咻褒存一出少原之舊支離
黯系參慰東山之懷承福履之茂綏副官師之蘄嚮
併茲欣服罔喻名言春筦寢餘夏口茲敢願綿存於
道味永光弼於王塗趨伏未展瞻馳借極

梅侍讀問候

畿輔麗東任先作屏露門紉繹眷切均賢仰舊學之
敦修謹寬條而靜布民謠叢美天况臻和沛河海以
蒙霑慰纓綏之胥企清和協序殮納攸宜慨巾幇陪
晤之餘顧研削寓辭之訥第深蘄嚮曷喻悰靈

回江郎中

睽風茲久參訊良疎近緣子舍之行厚枉書筠之問
意兼辭篤感與愧并欽惟靈澍之封慎懌潛郎之俊

身文公集 五
歲成於報宸獎惟蕃願遵明晦之宜交集康寧之祉
竝游未日結想何言

回王龍圖

肅奉褒恩已伸慶禮竊惟奎文交絢雲構肇營胥宇
中天之嚴參侔冊府訪逮西清之奧益召俊僚譽選
耆髦茂光禁直恭惟某官含章文苑絜矩仕途本難
進以處躬介不回而取福縣官食給荐彰煩使之能
省署輦過茲軫潛郎之歎請問論事造辟蒙知果因
疇俊之辰昭式類能之舉進借嚴助諒無侍橐之勞
榮過東邱親見出圖之盛方深舞詠猥閱函封忘淹

恤之爲嗟樂嚮儒而抒感餘言垂逮冲意彌愜戢勞
府以永藏搖腐唇而曷敘

賀大名王相公

茂膺恩冊進拜齋壇伏惟慶慰恭以某官上袞宗工
華顛舊德厯相二后交穆萬樞驪嘏安安簡上心而
有素詳言諤諤滿天下而罔私久偃藩維頗均賢逸
而北門須屏中展慎籌猥紆茂宰之僉回領元戎之
制疏榮曹社坐鎮魏臺抗大旆之悠悠肅使駢之耳
耳晉卿作帥竝推郤縠之賢漢相臨屯益竦呼韓之
畏永言作翰式於銘勳某早庇洪鈞欽聆渥典阻翹

材之伸慶望驅臆以馳魂歡緒愧悰參并無喻
賀安撫夏太尉
易建高牙總臨西服簡綠皇勅美浹朝言恭以某官
爵竝天人才兼文武不凹不跲則克保於身有猷有
爲則明又厥辟發自至慮奮爲嘉庸六府勸而可歌
九鼎隱而增重比綠醜虜未卽靈誅敢謀風塵輕動
疆場亟煩經武荐及扞城大兵久屯諸將難一洪惟
睿算思革舊章特包全陝之區悉受中軍之節入居
都會參建屬僚一切從宜百全制勝陳平盡護漢后
倚而差強充國旣行罕羌聞而自潰不建殘寇指景

成擒某夙佩鈞憐欣聞遼東從軍甚樂已隔後車之
行作誦美勤願附清風之末瞻願詠抃併萃乃誠

賀資政侍郎

肅奉褒恩榮兼祕職序進春官之亞移撫价藩之雄
寵集朝僉誼諧公論恭惟某官器亟道甫識貫民彝
裁總萬樞懋經一德屬告勞於基命聊倡化於大邦
未幾班條亟聞異等果茲叢渥爰示簡心華幄宣溫
之嚴斗宮喉舌之貳黃圖啟輔紫縣聯圻諒綠景福
之蒙滋趨贊書之拜永言慶悃曷喻費詞

盛右丞問候

均賢樞筦改秩臺機茂選奧藩聿開尊府方春臨境
頒寬大之詔恩卽日餐和又神明之福祚欽惟耆範
夙係人瞻雖四國于宣聊資於邦殿而六府相比遲
正於乾台由黃霸之治功啟平津之封冊仰祈宴處
務嗇粹真顧舊物之惓惓遡餘風而叩叩乃心攸嚮
點翰匪宣

回澶州王相公

跡局禁聯地遙材館每懷恩紀之舊罕通記幅之私
怒焉乃心歲聿云暮恭惟某官天挺懿德邦咨大猷
暫輟樞機總臨都會眷茲北道台輔所以具瞻眄彼
大河京邑由乎蒙福諒緣綺注克保休嘉益光維屏
之勲還奉疇庸之訪此爲祈嚮罔喻文陳

回楊舍人

比自拜恩已嘗伸慶恭以掖居之秘參福於霄垣方
贊之嚴慎司於朝策號爲凝切常侔雋良是以言繹
絲緝暢猷爲於有典筆含雷雨演膏潤於多方果值
上才韋光崇柬伏惟某官氣函先覺道肖至和薄三
代以舉英泝九流而質要奏文闕下嘗被賞於同時
折擿書林弗取資於孟晉參籌計幕之次磨墨翠坳
之塗帝誘乃衷公符斯議試言丞相之府初不淹時

乙覽尙方之帷久之稱善程篇甫訖寵渥俄頒排榮
路以趨翔竦儒紳之歆豔改紆筒綬分署判花固已
兼謀羽而修詞接嚴徐而布武慶雲在上彌增天采
之鮮瑞鷗來延恣覽德輝之茂適欣顙俊會枉騰書
緣抒頌於丁辰厚爲言於推轂青松云茂信爲寒栢
之榮嘉穀已登愈重前糠之愧第銘謙益徧詫朋方
感懇所叢奇觚安敘

謝兩地兩制問候

稟氣素弱爲客寒所乘薄於腠膚伏在床枕藉輻交
選區霧不分謹湯劑以迭攻啜淖糜而自救浹此旬
日粗獲寤興伏蒙某官屢墜誨言并降親筆惻其羸
掇勗以護將荷陰德之敷施撫危軀而三百伏况朝
符行下假式甚優曲成便養之私厚作疋殘之地迷
魂初復耗力未完須任口右之趨迺罄翹材之謝愧
悰感緒萬靡一宣

代回呂舍人

榮被恩章進升辭禁慶儀未展私抃已深恭以某官
天稟粹純道資宏博飄纓初筮給牘秀科每冲挹以
自安久盤桓而不進豫章美幹茲厯歲以大成韶樂
正音非至聰之攸捨果膺試札入掌命書矧惟世職

景文公集 九
之修尤示朝咨之愜方且雍容豹式冠映士林三代
追風鼓斯文於深厚十行視草賁神化於丹青甫頌
得賢遽煩黜翰敷陳盛美感慨亨期顧茲鐘漏之餘
厚齒紳綏之後雖云閑外尙克銘藏

回岱舍人

寵膺制綽入直書垣偕賀者以踵門獲禧如而內謁
丁辰逢吉抃吾黨之寵嘉以聖得賢愜至公之頌歎
矧叅曩照胥接邇班覲瑞羽以上搏躍春蠶而中極
敢圖冲尚專徇彝儀謂揚糝以居先紆墜書而厚謝
詞條披秀墨藪騰芬駭炙輶之不窮竊循衿而有述

且西臺祕地東里俊僚言成世謨意如上出筆端暫
下則震若風雷文彩一騰則倬爲雲漢諒匪薄三古
之泐襲貫萬物之本元美充於中行飭於外譔注之
勞已積疇咨之命惟行乃今值才誠爲妙選徧聆羣
議誰不爲然尙敷感遇之繁蓋本勞謙之懿永惟銘
戢拙寫端倪

回呂舍人

茂膺制檢進直辭垣伏惟慶慰恭以某官貫道幾深
陶天粹美顧九言而視履粹百行以保躬適時重熙
襲慶馮厚綬華若若踵仁者而與游筆語翩翩追大

景文宋公集 十一
夫之能賦早膺試牘參籍道山春容大音伴與遐蹠
屬四戶尙選三浚程能首甄譔次之才俾草溫純之
命程文旦上成命暮頒祓芝寶以摛文旅藥階而布
武綸由絲出甫光王者之言羸與經偕更盛相門之
學得賢爲盛有道胥歡敢圖謙冲猥況題啟敘拊塵
之舊好衍推轂之餘詞糠粃簸揚久負先登之愧松
筠茂悅今同彙進之榮欣感併銜精微拙喻
文公鄭州王相公問候
某謬塵禁籍丕儆常箴再瞻坐府之嚴稍嘗奏記之
禮永惟僭戀徒戢精微恭以某官道契臣隣敬孚樞

極暢經謀於宰路申著蕭規激高讓於邦風薦光同
屏蹈中和而弗踰脆戩穀以攸冥惟是審封均於潤
福介圭來覲固無信次之勞崑石具瞻况有僉同之
舊但虞偃息難廢延登冬律沍寒歲芳凋節益儲茂
韻永對昌期進謁未從臨風增企

河陽夏侍中

某向解州符入陪禁籍鑿羽重奮勞固未安重創始
平理當滋慎不時通於奏記恐仰累於所天久而省
循乃敢參訊伏自某宮避劇有洛改鎮盟津委遠功
名鎮息流競內保元吉自存介石之誠彼有褊心弗

礙虛舟之觸卓焉高躅冠我羣倫但緣一德之隆終
於三能之冠願崇賢老永對真期
代鄭公回樞密侍郎
祇膺敦勸入對寵靈廢克讓之素懷總惟幾之祕務
耆明茲賴中外相歡恭惟某官節貫滄磷業昭久大
褒參宰旅惟阿衡之致君間嗇道冲專仲尼之慎疾
太和保御介福叢滋師錫于帝而不謀圖任惟人而
最舊冠躋樞禁敷闡內猷綱紀所歸下式瞻於風采
老成來復國方寄於典型辱况書辭增銜謙柄慶右
賢之有始矧咨長以焉依抃悚參并文陳罔及

代鄭公回張侍中

光膺帝制出冠侯藩伏惟慶慰恭以某官道格允元
業宣寅亮綢繆二后師長百僚封誓著於河山至誠
開於金石人專樞近備罄謨明阿尹之勤勞王家庭
壑之邁種民德功成釐績禮重均勞果倡牧於多方
爰就封於近甸方符僉論忽枉書辭承敦牢讓之風
尙鬱疇庸之典冀遵朝旨時奉寵靈欽祝感藏併萃
清府

景文宋公集卷第一百二十五

宋景文公詩文典雅而奧博剗削而峻拔北宋諸公
中別成一家論者謂好爲艱澀奇險亦未必然本集
或稱百卷或稱百五十卷蓋集非一種而別種已亡
矣近時聞清國亦從大典中採掇釐成六十二卷知
其非完篇也余偶獲宋槧零本稱百五十卷者所憾
僅僅數卷不過觀本集原式第以宋人舊帙存世甚
罕今印出以寘叢書函中文化七年庚午陽月二十
二日天瀑山人識

